

Landesbibliothek Oldenburg

Digitalisierung von Drucken

**D. Lavrentii Heisteri Profess. Pvbl. Helmstadiensis
Academ. Caesar. Regiae Lodin. Ac Berolin. Collegae
Compendivm Anatomicvm Totam Rem Anatomicam
Brevissime Complectens**

Cvm Figvris Aeneis

Heister, Lorenz

Norimbergae, MDCCXXXII.

VD18 90513142

Widmung

urn:nbn:de:gbv:45:1-9909

VIRO AMPLISSIMO ATQVE DOCTISSIMO.
D. IOHANNI BAPTISTAE
MORGAGNIO

IN CELEBERRIMA ACADEMIA PATA-
VINA ANATOMES PROFESSORI
PRIMARIO

ANATOMICORVM HVIVS SECVLI
FACILE PRINCIPI

FAVTORI ATQVE AMICO SVO

AESTIMATISSIMO

COMPENDII HVIVS ANATOMICI EDITIONEM
QVARTAM

IN AMICITIAE PERPETVAM TESSERAM

CONSECRAT

AVCTOR.



Quod novam hanc, amicissime
Morgagni, eamque quartam
compendii mei in Germania e-
ditionem, nomini Tuo splendidissimo in-
scripserim, cum diuturna, suavissima at-
que constantissima, quæ a multis annis jam
inter nos intercedit necessitudo, tum quod
omnes

omnes eruditi ex doctissimis Tuis scriptis
Te hodie Principem Anatomicorum maxi-
meque idoneum rerum anatomicarum iu-
dicem, atque æquissimum earum arbitrum
agnoscant, effecerunt. Postquam enim Tu
de hisce meis laboribus, quos hucusque
in compendio meo anatomico concinnan-
do, emendando atque augendo impendi,
semper & publice & in privatis litteris ami-
cum tulisti iudicium, atque ad illud ma-
gis perficiendum mihi calcar atque auxi-
lium dedisti, omni studio ac labore, quan-
tum alia mea negotia permiserunt, etiam
in hac editione id præstare annisus sum: in
qua rursus multa addita et in disciplina
anatomica emendata invenies. Quæ si Ti-
bi non displicebunt, gaudebo atque cavil-
latores iniquos, qualem nuper in Gallia
chirurgum quendam expertus sum, haud
curabo: inprimis cum alii eruditi omnes
hucusque labores hos meos laudarunt; vel
si quid monendum iudicarunt, ut ho-
nestos decet, monuerunt.

Vale.

Dab. Helmstadii x. Kalend.
Mart. A. MDCCXXXII.

PRAE.



PRAEFATIO AD LECTOREM.

QUamvis ante compendii huius editionem primam libri anatomici non defecerint, neque compendiorum anatomicorum fuerit penuria: tamen me auctum egisse non existimo, cum *hocce Compendium anatomicum* primum, & deinde aliquoties auctius atque emendatius, in manus hominum edere susceperim.

Etenim, quoniam *scientia anatomica* ita est comparata, ut, more omnium aliarum scientiarum, industria atque improbo praestantium virorum labore, *indies emendationes & incrementa admittat*, atque etiam nostris temporibus largissima sumserit: hinc harum rerum gnaris facile erit manifestum, *in antea usitatis compendiis & syntagmatibus anatomicis quam plurima deficere*, quæ ab aliquo tempore a variis vel recens detecta atque inventa, vel emendata atque correctæ sunt, quæque studiosæ iuventuti, & inprimis tyronibus Medicinæ, scitu sunt & utilia, & necessaria.

Cum vero his valde molestum ac difficile sit, fundamenta Anatomies, & res iam cognitæ, ex tam multis, eheu! libris, & quidem sæpe ingentibus ac valde prolixis, colligere aut conquirere: atque hic labor haud levem in progressu studiorum eorum ponere possit remoram, magnamque tyronibus nauseam creare: *hoc compendio eos sublevare*, artemque effato HIPPOCRATIS, iam satis longam ac difficilem, breviorē, facilioremque reddere studui.

Recte enim suadet illustris BOYLEVS *a)*, ut in scientiis subinde, quando largi progressus, sive magna incrementa facta sunt, novum systema in lucem emit-

a) Tentam. physiolog. commentatione proœmiali.